

Na osnovu člana 14. Zakona o udruženjima i fondacijama („ Službene novine FBiH“, broj: 45/02) i člana 26. Statuta Udruženja poslodavaca u FBiH, Skupština Udruženja poslodavaca u FBiH na sjednici održanoj dana _____ u Sarajevu donosi:

**STATUT O IZMJENAMA I DOPUNAMA STATUTA
UDRUŽENJA POSLODAVACA U FEDERACIJI BOSNE I HERCEGOVINE**

Član 1.

U Statutu Udruženja poslodavca u FBiH od 09.04.2014. godine i Statutu o izmjenama i dopunama Statuta Udruženja poslodavaca u FBiH od 11.03.2015. godine u članu 3. u stavu 2. riječi: „Mula Mustafe Bašeskije 12/3“ mijenjaju se riječima:

„Maršala Tita broj 6/1“.

Član 2.

Iza člana 21. dodaje se novi član 21.a. koji glasi:

Član 21.a.

„Izuzetno, kada važnost i/ili hitnost, odnosno okolnosti slučaja nalažu, sjednica Skupštine se može održati online korištenjem informacijskog sistema koji podržava prijenos video konferencije ili aplikacija, programa i drugih elektronskih platformi za direktnu glasovnu i video komunikaciju.

Sjednica se u slučaju potrebe obezbjeđivanja kvoruma za rad može održati i po hibridnom modelu na način da jedan dio delegata bude prisutan u mjestu gdje se sjednica održava, a drugi dio delegata prisustvuje online, korištenjem informacijskog sistema iz prethodnog stava ovog člana.

U slučaju održavanja sjednice na način predviđen u stavu 1. i 2. ovog člana primjenjuju se odredbe 21., 22., 23. i 26. ovog statuta, ako ovim Statutom nije drugačije određeno.

U slučaju održavanja sjednice na način iz stava 1.i 2. ovog člana pozivi za sjednice sa prijedlogom dnevnog reda i materijalima se dostavljaju elektronskim putem, a zapisnici sa održanih sjednica vrše se na osnovu online tonskog zapisa.“

Član 3.

U članu 26. iza stava 2. dodaje se novi stav 3. koji glasi:

„ U slučaju održavanja sjednice na način iz člana 21.a stav 1. i 2. članovi koji su prisutni on line izjašnjavaju se usmeno ili pismeno na chatu sa ZA ili PROTIV o čemu evidenciju vodi predsjedavajući Skupštine i obavještava verifikacionu komisiju.

Stavovi 3., 4. i 5. postaju stavovi 4., 5. i 6. „

Član 4.

Iza člana 28. dodaje se novi član 28.a. koji glasi:

Član 28.a.

„Sjednica Upravnog odbora može održati online korištenjem informacijskog sistema koji podržava prijenos video konferencije ili aplikacija, programa i drugih elektronskih platformi za direktnu glasovnu i video komunikaciju.

Izuzetno, kada važnost i/ili hitnost, odnosno okolnosti slučaja nalažu, može se održati elektronska sjednica Upravnog odbora.

U slučaju održavanja sjednice na način iz stava 1. i 2. ovog člana pozivi za sjednice sa prijedlogom dnevnog reda i materijalima se dostavljaju elektronskim putem, a zapisnici sa održanih sjednica vrše se na osnovu elektronske pošte ili online tonskog zapisa.

U slučaju održavanja elektronske sjednice iz stava 2. ovog člana saziv elektronske sjednice vrši predsjednik Upravnog odbora.

Elektronska sjednica može se održati pod uslovom da je najmanje 11 članova Upravnog odbora putem elektronske pošte ili na drugi odgovarajući način Stručnoj službi UPFBIH potvrdilo primitak poziva za održavanje elektronske sjednice.

Kod održavanja elektronske sjednice članovi Upravnog odbora dužni su se na svaku tačku dnevnog reda očitovati na način da se u poruci elektronske pošte navede broj tačke dnevnog reda o kojoj se izjašnjavaju „ZA“ ili „PROTIV“.

U slučaju da se član Upravnog odbora ne izjasni putem elektronske pošte u određenom roku, šutnja će se smatrati da je član glasao „ZA“ .

Odmah po isteku određenog roka, predsjednik Upravnog odbora putem elektronske pošte obavještava članove Upravnog odbora o rezultatima elektronskog glasanja.

O elektronskoj sjednici sastavlja se zapisnik kojem se priključuju i ispisi poruka elektronske pošte članova Upravnog obora iz stava 5. ovog člana.

Glasanje putem elektronske pošte ima istu pravnu snagu i obavezujuće dejstvo, kao i glasanje izvršeno na sjednici Upravnog odbora.

Sva relevantna dokumenta u vezi elektronske sjednice čuvaju se u stručnoj službi Udruženja.

U slučaju održavanja sjednice iz stava 1. i 2. ovog člana na kvorum za rad i odlučivanje primjenjuje se član 32. ovog Statuta, ako ovim Statutom nije drugačije određeno.

Član 5.

U članu 33. dodaju se stavovi 2. i 3. koji glasi:

„Mandat članova Upravnog odbora može biti i kraći od perioda utvrđenog u članu 29. ovog Statuta, ukoliko je usljed odluka nadležnih organa uzrokovanih vanrednim okolnostima i slično došlo do nemogućnosti održavanja sjednice Skupštine.

U slučaju iz prethodnog stava mandat članovima Upravnog odbora traje do isteka mandata koji je predviđen u redovnim okolnostima.“

Član 6.

Iza člana 38. dodaje se 38.a

Sjednica Izvršnog odbora može se održati online korištenjem informacijskog sistema koji podržava prijenos video konferencije ili aplikacija, programa i drugih elektronskih platformi za direktnu glasovnu i video komunikaciju.

Izuzetno, kada važnost i/ili hitnost, odnosno okolnosti slučaja nalažu, može se održati elektronska sjednica Izvršnog odbora.

U slučaju održavanja sjednice na način iz stava 1. i 2. ovog člana pozivi za sjednice sa prijedlogom dnevnog reda i materijalima se dostavljaju elektronskim putem, a zapisnici sa održanih sjednica vrše se na osnovu elektronske pošte ili online tonskog zapisa.

U slučaju održavanja elektronske sjednice iz stava 2. ovog člana saziv elektronske sjednice vrši predsjednik Izvršnog odbora.

Elektronska sjednica može se održati pod uslovom da su najmanje 4 člana Izvršnog odbora putem elektronske pošte ili na drugi odgovarajući način Stručnoj službi UPFBiH potvrdila primitak poziva za održavanje elektronske sjednice.

Kod održavanja elektronske sjednice članovi Izvršnog odbora dužni su se na svaku tačku dnevnog reda očitovati na način da se u poruci elektronske pošte navede broj tačke dnevnog reda o kojoj se izjašnjavaju „ZA“ ili „PROTIV“.

U slučaju da se član Izvršnog odbora ne izjasni putem elektronske pošte u određenom roku, šutnja će se smatrati da je član glasao „ZA“ .

Odmah po isteku određenog roka, predsjednik Izvršnog odbora putem elektronske pošte obavještava članove Izvršnog odbora o rezultatima elektronskog glasanja.

O elektronskoj sjednici sastavlja se zapisnik kojem se priključuju i ispisi poruka elektronske pošte članova Izvršnog obora iz stava 5. ovog člana.

Glasanje putem elektronske pošte ima istu pravnu snagu i obavezujuće dejstvo, kao i glasanje izvršeno na sjednici Izvršnog odbora.

Sva relevantna dokumenta u vezi elektronske sjednice čuvaju se u stručnoj službi Udruženja.

U slučaju održavanja sjednice iz stava 1. i 2. ovog člana na kvorum za rad i odlučivanje primjenjuje se član 38. ovog Statuta, ako ovim Statutom nije drugačije određeno.

Član 7.

Izmjene i dopune Statuta stupaju na snagu danom donošenja, a primjenjivat će osmog dana od dana donošenja.

Predsjednik Skupštine

Marinko Gilja